



Na osnovu člana 65. i 66. stav 4. Zakona o pravima, obavezama i odgovornostima pacijenata („Službene novine Federacije Bosne i Hercegovine“, broj: 40/10), člana 14. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), člana 5. Odluke o osnivanju Zdravstvenog savjeta na nivou općine Lukavac („Službeni glasnik općine Lukavac“, broj: 1/17) i člana 9. Statutarne odluke o organizaciji Grada Lukavac u skladu sa Zakonom o Gradu Lukavac („Službeni glasnik grada Lukavac“, broj: 1/22), Gradonačelnik općine Lukavac, r a s p i s u j e

JAVNI POZIV

za prikupljanje prijava za imenovanje Zdravstvenog savjeta na nivou grada Lukavac

I

Gradonačelnik Lukavac raspisuje Javni poziv za prikupljanje prijava za imenovanje Zdravstvenog savjeta na nivou Grada Lukavac, a u cilju ostvarivanja mjera društvene brige za zdravlje građana i ostvarivanje i unapređenja prava pacijenata.

II

Zdravstveni savjet će brojati 10 (deset) članova i imenovat će ga Gradaonačelnik iz reda zdravstvenih i nezdravstvenih struka i to:

- 1 predstavnik Grada,
- 1 predstavnik pacijenata,
- 1 predstavnik mladih,
- 1 predstavnik komora iz oblasti zdravstva,
- 1 predstavnik stručnih udruženja,
- 1 predstavnik udruženja za zaštitu prava pacijenata,
- 1 predstavnik sindikata zdravstva,
- 1 predstavnik zdravstvenih ustanova odnosno privatnih praksi,
- 1 predstavnik Crvenog križa/krsta,
- 1 predstavnik Gradskog vijeća.

III

Mandat članova Zdravstvenog savjeta traje 2 (dvije) godine.

IV

Zdravstveni savjet obavlja slijedeće poslove:

- predlaže i evaluira sprovođenje zdravstvene zaštite na području grada Lukavac;
- daje mišljenje na planove i programe zdravstvene zaštite za područje grada Lukavac, te predlaže mjere za poboljšanje dostupnosti kvaliteta zdravstvene zaštite na području grada Lukavac;
- prati primjenu propisa na području grada koji se odnose na zaštitu prava i interesa pacijenata;
- organizuje obrazovne kurseve za građanstvo iz poznavanja materije o pravima pacijenata i postojeće legislative;
- daje preporuke za organizaciju kurseva u zdravstvenim ustanovama radi upoznavanja rukovodstva i zdravstvenih radnika s konceptom prava pacijenata, legislativom i odgovarajućim nužnim promjenama u zdravstvenim ustanovama;
- prati povrede pojedinačnih prava pacijenata na području grada Lukavac;

Strana 1 od 3



ISO 9001:2015
No. 308550 QM15

Grad Lukavac - Gradonačelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

- predlaže poduzimanje mjera za zaštitu i unapređenje prava pacijenata na području grada;
- bez odgađanja obavještava Zdravstveni savjet u kantonalnom Ministarstvu o slučajevima teških povreda prava pacijenata koje mogu ugroziti život ili zdravlje pacijenata;
- podnosi Gradskom vijeću, Gradonačelniku i kantonalnom Ministarstvu godišnji izvještaj o svom radu;
- obavještava javnost o povredama prava pacijenata;
- obavlja i druge poslove u skladu sa Zakonom o zdravstvenoj zaštiti i Zakonom o pravima, obavezama i odgovornostima pacijenata.

Zdravstveni savjet donosi Poslovnik o svom radu kojim se bliže uređuje organizacija i način rada.

V

Pravo učešća na Javnom pozivu za imenovanje u Zdravstveni savjet na nivou grada Lukavac imaju osobe zdravstvene i nezdravstvene struke sa prebivalištem na području grada Lukavac, koje imaju minimalno 3 (tri) godine iskustva u instituciji, ustanovi, udruženju, nevladinoj organizaciji ili zdravstvenom sindikatu koji je kandidiraju, te da imaju ugled i evidentne rezultate u oblasti u kojoj djeluje.

Kandidati su dužni uz prijavu dostaviti i ovjereno pismo preporuke kako slijedi:

- Za predstavnika Grada Lukavac preporuku Gradonačelnika.
- Za predstavnika pacijenata potpise podrške od najmanje 100 pacijenata.
- Za predstavnika mladih potpise podrške od najmanje 100 mladih osoba starosti do 25 godina sa područja grada Lukavac.
- Za predstavnika komora iz oblasti zdravstva pismo preporuke jedne od registriranih komora koje imaju svoje organizacije ili članstvo na području grada Lukavac.
- Za predstavnika stručnih udruženja preporuka jednog od stručnih udruženja koja imaju svoje organizacije ili članstvo na području grada Lukavac.
- Za predstavnika udruženja za zaštitu prava pacijenata pismo preporuke jednog od registriranih udruženja za zaštitu pacijenata, zdravlja ili životne sredine koje imaju organizacije ili članstvo na području grada Lukavac.
- Za predstavnika sindikata zdravstva pismo preporuke jednog od registriranih sindikata zdravstva koji imaju svoje organizacije ili članstvo na području grada Lukavac.
- Za predstavnike zdravstvenih ustanova odnosno privatnih praksi pismo preporuke jedne od ustanova ili privatnih praksi sa područja grada Lukavac.
- Za predstavnika Crvenog križa/krsta preporuka navedene Organizacije.
- Za predstavnika Gradskog vijeća fotokopija uvjerenja o statusu vijećnika.

Pravni ili fizički subjekti koji daju pisma ili potpise preporuke mogu dati preporuke za više kandidata.

VI

Obrazac prijave kandidati mogu preuzeti u Šalter sali Grada Lukavac ili na službenoj web stranici Grada.

Uz prijavu kandidati su dužni dostaviti:

- Potvrdu o mjestu prebavilašta,
- Dokaz o stručnoj spremi,
- Dokaz o radnom iskustvu iz člana V ovog Javnog poziva,
- Biografiju sa pregledom toka obrazovanja i stručnog angažmana, podacima o uspjesima, nagradama, objavljenim radovima ili publikacijama, članstvu u stručnim i drugim udruženjima i slično,
- Originalno pismo preporuke ili podrške iz člana V ovog Javnog poziva.

VII

Nakon isteka roka za prikupljanje prijava, Gradonačelnik će izvršiti izbor i Rješenjem imenovati Zdravstveni savjet na nivou grada Lukavac i imenovati predsjedavajućeg. Rješenje će biti objavljeno u „Službenom glasniku Grada Lukavac“.

VIII

Javni poziv će biti objavljen u medijima, oglasnoj tabli Grada Lukavac i web stranici Grada Lukavac: www.lukavac.ba i ostaje otvoren 15 (petnaest) dana od dana objave.

Broj: 02-33-44/23

Lukavac, 06.01.2023.godine



GRADONAČELNIK

dr.sc. Edin Delić